

REGLUGERÐ

um innheimtu fóðurgjalda.

1. gr.

Innheimta skal eftirtalin fóðurgjöld af innfluttu fódri og innfluttu hráefni í fóður:

1. Grunn gjald, sem skal vera 50% af tollverði hvernar fóðurtegundar, þó aldrei hærri en kr. 4 600,00 af hverju tonni hinnar gjaldskyldu vöru.
2. Sérstakt grunn gjald, sem skal vera krónur 4 300,00 á hvert tonn hinnar gjaldskyldu vöru.
3. Sérstakt fóðurgjald, sem skal vera 80% af tollverði hvernar fóðurtegundar.

2. gr.

Fóðurgjöld skv. 1. gr. skulu lögð á fullunnar fóðurblöndur og hráefni í fóður og fóðurblöndur og skulu innheimt við tollafgreiðslu hvernar sendingar af vörum í eftirtöldum tollnúmerum:

1001-1000	úr 1104-1100 valsað bygg í lausu	2303-3000
1001-9001	1104-1209	2304-0000
1001-9009	1104-1900	2305-0000
1002-0000	1104-2100	2306-1000
1003-0000	1104-2209	2306-2000
1004-0000	1104-2300	2306-3000
1005-1000	1104-2900	2306-4000
1005-9000	1104-3000	2306-5000
1007-0000	1106-2001	2306-6000
1008-1000	1213-0001	2306-9000
1008-2000	1213-0009	2308-1000
1008-3000	1703-1001	2308-9001
1008-9000	1703-9001	2308-9009
1102-2000	2302-1000	2309-1000
1102-9001	2302-2000	2309-9001
úr 1102-9009 blandað hænsnakorn	2302-3000	2309-9002
1103-1200	2302-4000	úr 2309-9003 annað en snefilefni
1103-1301	2302-5000	2309-9004 fiskafóður
1103-1309	2303-1000	2309-9009
1103-1900	2303-2000	
1103-2900		

Gjaldið skal reiknað eftir tollverði vörunnar eins og það er við innflutning hennar.

Við útreikning fóðurgjalda skal miða við 2% rýrnun vöru frá því magni sem flutt er inn skv. vörureikningi.

Heimilt er landbúnaðarráðherra að undanskilja gjaldtöku, skv. 1. gr., að hluta eða öllu leyti fóður sem ætlað er til fiskeldis og loðdýraræktar.

Innflytjendur þessa fóðurs skulu leggja fram upplýsingar til landbúnaðarráðuneytis, er staðfesta að um fóður til fiskeldis eða loðdýraræktar sé að ræða, til að fá niðurfellingu á fóðurgjöldum. Heimild til niðurfellingar skal vera tímabundin hverju sinni.

Undanskilin gjaldtöku eru fódursölt, snefilefni, herðir, bætiefni og steinefnablöndur. Sama gildir um korn og vörur úr því til manneldis, sem flokkast undir ofangreind tollskrárnúmer, enda sé varan í smásöluumbúðum, 5 kg eða minna, og umbúðirnar beri með sér að varan sé ætluð til manneldis. Sé um stærri umbúðir að ræða eða flutning í lausri vigt, getur landbúnaðarráðuneytið veitt undanþágu frá gjaldskyldu, enda sé notkun vörunnar sú er að ofan greinir. Hafi undanþága ekki verið veitt getur landbúnaðarráðuneytið ákveðið að endurgreiða fódurgjöld skv. 1. gr. af vörum til manneldis, fiskeldis eða loðdýraræktar.

Heimilt er landbúnaðarráðherra að endurgreiða framleiðendum fódurgjald, sem um getur í 1. gr., af afurðum sem fara til útflutnings og njóta ekki útflutningsbóta úr ríkissjóði eða þegar útflutningsbætur hrökkva ekki lengur til. Landbúnaðarráðherra setur reglur um þessar endurgreiðslur hverju sinni.

Landbúnaðarráðuneytið getur undanþegið fóður fyrir gæludýr greiðslu sérstaks fódurgjalds skv. 3. tl. 1. gr. Hafi greiðsla gjaldsins farið fram við tollafgreiðslu, er heimilt að endurgreiða gjaldið.

Landbúnaðarráðuneytið tilkynnir til tollstjóra hvaða innflytjendur gæludýrafóðurs fá rétt á niðurfellingu sérstaks fódurgjalds skv. 1. gr. Leyfi til niðurfellingar skulu gefin til hálfis árs í senn og takmörkuð við fódurtegundir og erlenda framleiðendur (seljendur).

Aðilum sem hafa fengið undanþágu frá fódurgjöldum, er skylt að skila framleiðslu- og söluskýrslum til Framleiðsluráðs landbúnaðarins. Á þessum skýrslum komi fram sala og birgðabreytingar og notkun hráefnis, sundurliðað eftir tegundum. Framleiðsluskýrslum skal skila fyrir hvern ársfjórðung og er skilafrestur að hámarki 30 dagar. Hafi skýrslur um framleiðslu ekki borist Framleiðsluráði innan tilskilins tíma, gerir það landbúnaðarráðuneytinu aðvart, en það veitir viðkomandi aðila ekki heimild til endurgreiðslu fyrir en úr hefur verið bætt.

Landbúnaðarráðherra sker úr ágreiningi um gjaldskyldu skv. þessari grein.

3. gr.

Um ákvörðun tollverðs gjaldskyldrar fódurvöru skulu gilda ákvæði laga nr. 55/1987 um tollskrá o.fl. með síðari breytingum.

Að því leyti sem ekki er ákveðið í reglugerð þessari varðandi vöruflokkun, gjalddaga, innheimtu, lögvernd, refsingu og aðra framkvæmd innheimtu fódurgjalda, skulu gilda, eftir því sem við getur átt, ákvæði laga nr. 55/1987 auglýsinga settra samkvæmt þeim.

4. gr.

Tollstjórar annast innheimtu fódurgjalda skv. reglugerð þessari og standa skil á þeim til ríkissjóðs eftir fyrimælum þeim, sem fjármálaráðuneytið setur um skil innflutningsgjalda.

Tekjum af grunngjaldi skv. 1. og 2. tl. 1. gr. skal haldið aðgreindum frá sérstöku fódurgjaldi skv. 3. tl. 1. gr. við innheimtu og skil gjaldanna. Ríkisféhirðir gerir mánaðarlega skil á sérstöku fódurgjaldi til Framleiðsluráðs, sem heldur því á sérstökum reikningi er það færir, og nefnist hann „endurgreiðslureikningur“. Framleiðsluráð gerir á sama hátt mánaðarlega skil til framleiðnisjóðs á þeim hluta hins sérstaka fódurgjalds, sem kann að vera ákveðið að greiða í sjóðinn. Þó skal ekki greiða þann hluta sérstaks fódurgjalds, sem greitt hefur verið með sjálfskuldarábyrgð, fyrir en hún hefur verið greidd af fódurinnflytjanda/framleiðanda.

Ríkisendurskoðun annast endurskoðun endurgreiðslureiknings.

5. gr.

Fóðurinnflytjendum er heimilt að fá allt að 4ra mánaða frestun á greiðslu sérstaks fódurgjalds gegn skuldaviðurkenningu. Telji Framleiðsluráð nauðsynlegt að krefjast tryggingar fyrir greiðslu gjaldsins, fari hún fram með skuldaviðurkenningu, er ráðinu það heimilt. Skylt er Framleiðsluráði að krefjast slíkra trygginga af aðilum, sem lenda í vanskilum með greiðslur skuldaviðurkenninganna. Framleiðsluráð tilkynnir landbúnaðarráðuneytinu um þá aðila, sem það hefur ákveðið að svipta óskilyrtri lánsheimild, en ráðuneytið tilkynnir síðan tollstjórum um ákvörðunina.

6. gr.

Landbúnaðarráðherra ákveður hverju sinni ráðstöfun tekna af sérstöku gjaldi skv. 3. tl. 1. gr. í samræmi við 2. mgr. 34. gr. laga nr. 46 27. júní 1985 og ákvæði reglugerða, sem settar kunna að verða þar um.

Tekjur af grunngjaldi skv. 1. og 2. tl. 1. gr. renna í ríkissjóð.

7. gr.

Ríkisendurskoðun skal, ef ástæða þykir til, hafa aðgang að bókhaldi fóðurinnflytjenda og fódurframleiðenda til að ganga úr skugga um hvort staðfestingargögn, sem lögð hafa verið fram vegna niðurfellingar eða endurgreiðslu gjaldsins, séu eða hafi verið rétt tilgreind.

Röng skýrslugjöf eða framlagning rangra eða villandi gagna og röng upplýsingagjöf, látin í té í því skyni að fá ívilnun á gjaldi samkvæmt ákvæðum reglugerðar þessarar, svo og misnotkun ívilnunar sem veitt hefur verið samkvæmt ákvæðum hennar, getur varðað viðurlögum skv. lögum nr. 55/1987.

8. gr.

Brot á ákvæðum reglugerðar þessarar varða refsingu skv. 59. gr. laga nr. 46 27. júní 1985.

Reglugerð þessi er sett skv. heimild í lögum nr. 46 27. júní 1985 um framleiðslu, verðlagningu og sölu á búvörum, með síðari breytingum og öðlast gildi þegar í stað. jafnframt falla úr gildi reglugerðir um sama efni nr. 129 30. mars, 1987 og 315 10. júlí 1987.

Ákvæði til bráðabirgða.

Af fódurbirgðum, sem eru í vörslu innflutningsaðila við gildistöku reglugerðarinnar, skal innheimta gjöld skv. 1. og 2. tl. 1. gr. reglugerðarinnar. Innflutningsaðilar skulu veita nauðsynlega aðstoð við talningu á birgðum, en tollstjórar skulu staðreyna birgðauppgjör og annast innheimtu skv. 4. gr.

Landbúnaðarráðuneytið, 31. desember 1987.

Jón Helgason.

Guðmundur Sighórsson.